
Saksnr: 2020/57035-6
Saksbehandlar: Åge Avedal
Dato: 18.12.2020

Til: Hovudutval for kultur, idrett og integrering

Frå: Fylkesdirektør for kultur, idrett og inkludering

Deltaking i Dugnad for økt deltakelse, støtte frå Helsedirektoratet

Frivillighet Norge har fått tilsegn om 1 millionar kr frå Helsedirektoratet på søknad om tilskot til prosjektet «Dugnad for økt deltakelse» gjennom tilskotsordninga Mobilisering mot ensomhet. Prosjektet vil bli gjennomført i samarbeid med Vestland fylkeskommune, Rogaland fylkeskommune, Oslo kommune og Norges Frivilligsentralar.

Målet i prosjektet er å auke deltakinga i frivillige organisasjonar gjennom å formidle kunnskap og gje informasjon gjennom digitale kanalar, nettverk og samlande tiltak i frivillig sektor. Målet er å skape frivillighet for alle, både nasjonalt og lokalt, for å inkludere fleire frå grupper som står i fare for einsemd. Unge og eldre er særskild målgruppe. «Dugnad for økt deltakelse» skal bistå dei frivillige organisasjonane, skape meir aktivitet, fleire sosiale fellesskap og møteplassar, og auke deltaking i organisasjonane.

Vestland fylkeskommune og Frivillighet Norge har signert intensjonsavtale om samarbeid (vedtak i fylkesutvalet oktober 2020). 18. februar inviterer fylkeskommunen og Frivillighet Norge til felles digital konferanse for frivilligheita, der rekruttering, inkludering og førebygging av utanforskap og einsemd blir nokre av tema. Vestland fylkeskommune samarbeider også med Frivillighet Norge om å utvikle kunnskapsgrunnlag og strategi for frivillig sektor i Vestland.

Frivillighet Norge er frivillig sektor sitt interessepolitiske samarbeidsforum med over 300 medlemsorganisasjonar med til saman over 50 000 lokallag i heile Norge. Frivillighet Norge har mellom anna ansvar for rekrutteringsplattformane frivillig.no og ungfritid.no.

Vedlegg

- 1 Hdirsøknad 23.10.2020 Mobilisere mot ensomhet
- 2 Innvilger tilskudd til Dugnad for økt deltakelse over statsbudsjettet 2020 kap. 714, post 79